

祁縣志卷四

祁縣知縣陳

時編輯

風俗

郡縣志胥稱祁邑風氣剛勁俗尚勤儉蓋邑處堯城  
平陶之間爲古耆耆與祁同國有唐之遺風焉故其俗好  
儉深思而戒於逸樂又地當西北得天地嚴凝之氣  
天地之義氣也故人崇節義多勁直之氣操移易之  
權者因民之質而利導之使儉中禮制勇登明堂道  
德一而風俗同豈不盛歟志風俗

吳季札觀樂爲之歌唐曰思深哉其有陶唐氏之遺民

祁縣志

卷四

風俗

一

乎不然何憂之遠也非令德之後孰能若是

春秋傳

唐風土瘠民貧勤儉質朴憂深思遠有堯之遺風焉

詩傳

自堯而至於周蓋千餘年矣而其風俗流傳固結於唐  
人之心故其民間質實勤儉之習親愛和樂之思警  
戒忠告之情備見於詩此其俗之所以爲厚也

安城

劉氏詩說

晉有唐虞之遺風其俗節財而儉嗇

北齊劉子

唐俗勤儉勤者生財之道儉者用財之節聖人教人不

越乎勤儉而已

豐城朱氏詩說

人物輩出代不乏人皆有文武全才 圖經

盡力耕稼留心織紡 山西通志

民多剛勁力耕稼務織紡 太原府志

俗尚勤儉男耕女織殆無遺力士修實行人崇節義多

勁直之氣 舊志

正月元旦夙起祀神祀先畢子孫拜賀尊長親朋遞相  
拜賀立春日觀土牛帖宜春字茹春餅十五日上元  
節懸花燈設鰲山放煙火絃歌徹夜十六日縱遊郊  
野二十日二十五日各家搬取水土謂之添倉 二

祁縣志

卷四

風俗

二

月二日食黃蒸先一日晚以竈灰圍宅避諸蟲入社  
日祀土穀之神春分日釀酒拌醋 三月三日昧旦  
以楊柳枝鞭寢室四隅禳除蛇蝎諸蟲清明節祭掃  
墳墓添土亦有前三日舉行者豎鞦韆放紙鳶二十  
八日縣西北五里中嶽廟會貨物雜集遠近遊人爭  
相貿易 四月八日祁城紫紅各有湯王廟會如中  
嶽云 五月五日端陽節祀先戴艾懸艾虎飲菖蒲  
酒採百草射柳爲樂小兒繫五色壽絲親朋作角黍  
相贈 六月六日晒衣儲水造麩醬 七月七夕女

子設酒果拜織女以乞巧十五日中元節取麻穀設  
瓜果以祀先 八月社日祭如春社十五日中秋節  
家設酒肴果餅玩月 九月九日重陽節釀菊酒蒸  
花糕以相餽贈或約伴載酒登高賦詩 十月一日  
拜祭祖瑩焚寒衣十五日下元節設齋醮祀水神  
十一月冬至日祀祖先 十二月八日食臘八粥二  
十四日掃塵祭竈除夕易門神桃符陳祀儀民多嫁  
娶

昏嫁士大夫量家貧富畧做六禮行之女家粧奩亦量

祁縣志

卷四

風俗

三

力從厚然齊民指腹割襟乘凶扶親之陋不能盡無  
非士大夫所能化而止也

喪禮士大夫家多做家禮舉行鄉僻里閭不免事陰陽  
拘忌供佛飯僧者

祭禮士大夫家有祠堂者行如禮民間多設位便室祀  
之若歲時祭掃無士民一也

燕集鄉黨序齒惟親與遠賓與有爵者則別序若迎勞  
出餞特舉者又以專召爲上客獻酬一如常儀今皆  
讓左

慶弔嘉禮有贈儀凶禮有賻儀貧者相飲助焉或遠不相及則再拜遣使以問之

送迎尊者遠行出送卑者五里敵者三里親者十里祖道餞贍如常儀遠歸出迎亦如之若尊長則俟其歸往省焉

塗遇見尊長則揖而俟其行若尊者長者敵者乘則趨而避之或皆乘於尊長避之或不可避側焉以俟其過于敵者分道鞭揖或已乘而值徒者便則避否則下而揖之俟遠乃乘尊長雖避已必下而揖焉

祁縣志

卷四

風俗

四

農家月令 立春喂耕牛 雨水攄糞土 驚蟄河半開 春分種小麥 清明前後種篇豆又云二月清明草不青三月清明道傍青 穀雨種豌豆 立夏種穀 小滿前後安瓜種豆 芒種忙種黍子急種穀又云芒種見鋤刃 夏至見豆花又云夏至不種高山黍還種十日小糜黍 小暑吃大麥又云小暑當日回 豌豆此日有雨即回 大暑吃小麥 立秋一十八日寸草皆齊 處暑不出頭割得喂丁牛 指高梁 白露吃小穀 秋分見穀籬 寒露百草枯 霜降不賸

田甚言野  
之無禾

立冬不使牛

小雪凍大河

大雪凍

小河

冬至不開窖

小寒寒不小

大寒不加冰

祁縣志

卷四

風俗

五

物產 鹽法附

周禮太宰以九職任民首重三農謂平地山澤也祁  
有昌源通光迴馬谷諸水源皆數十百里而近暴雨  
泛溢涸可立待無川澤之利東南多山西北地平然  
山鮮草木地多斥鹵城趙北左諸村貧民掃取其土  
煎鹽易食故祁邑行河東之引而不食河東之鹽府  
志謂之礲瘠其信然乎然廣生大生地不愛寶勸力  
興利惟有司之牧夫志物產

穀屬

祁縣志

卷四

物產

六

黍 有軟硬二種  
軟宜釀酒

稷 有大小二種

梁 粒細而色白

麥 有來牟二種又有宿種  
春種麥之佳者出南原

蕎麥

芝麻 麻子

豆 有黑菘黃豌豆  
豇小茶酒九種

菊秫 有軟硬二種

黃稗

菜屬

葱 韭 蒜 芥

芹 茄 匏 菠

蕨 莧 臺菜 有青白二種

萵苣 葫蘆 蔓菁 芫荽

蒼蓮

苧蒿

蘿蔔

有胡白水三種

馬齒莧

薯蕷

菜豆

絲瓜

冬瓜

西瓜

南瓜

北瓜

甜瓜

王瓜

有夏秋二種

菜瓜

地王瓜

劉泉瓜

香瓜

果屬

桃

有夏秋二種

李

有赤黃二種

杏

有黃白赤巴旦數種

梨

有黃香三種

棗

有長圓大種

果

有紅沙二種

核桃

無花果

櫻桃

葡萄

石榴

祁縣志

卷四

物產

七

軟棗

柿

木屬

桑

榆

槐

柳

松

栢

椿

楸

楊

椒

花屬

萱草

石竹

葵

有紅白紫大小數種

菊

有紅白黃紫數種

芍藥

水紅

月季

米穀

十樣錦

夜合

鷄冠

有紅白二種

粉團

山丹

捲丹

刺玫瑰

鳳仙

望江南

滿天星

草屬

茶

蓼

蒿

葦

莠

茅

荻

蘆

莎

艾

蓮

菅

苜蓿

灰藿

香文

午枝

龍鬚

水稗

馬蓮

天茄

茜

祁縣志

卷四

物產

八

藥屬

王瓜

藿麥

蓖麻子

黃芩

芍藥

地黃

桔梗

薄荷

遠志

百合

苦參

夏枯草

山大黃

紫蘇

益母草

芫花

葶藶

月令仲夏之月靡草死  
即葶藶也有甜苦二種

土蒺藜

地榆

沙參

荊芥

防風

茵陳

貝母

甘草

紅花

仙茅

芎藭

板藍根

蜂房

有土馬二種

榆白皮

蘆茅

貫衆

黃

細辛

地骨皮

地龍

苦丁香

青木香

石南榆

甘菊花

車前子

欵冬花

酸棗仁

土牛膝

枸杞子

桑白皮

千金子

紅娘子

馬兜苓

牽牛子

有黑白二種

小茴香

紫花地丁草

獸屬

牛

馬

騾

驢

豕

犬

羊

狐

祁縣志

卷四

物產

九

狸

兔

貍

狼

猫

鼠

田鼠

瞎惠鼠

跳兔

鳥屬

雞

有野家石三種

鴨

有家水二種

鴉

有烏水老白項三種

鵲

鳩

鸛

鷓鴣

梟

雀

燕

鷓

洛浦

黃鸝

華蟲

畫眉

鷓鴣

啄木

布穀

蝙蝠

半翅

蟲屬

蠶

蜂

蠅

蟻

蚊

蝎

蟬

蠋

蝥

蝨

賊

蝶

蛾

螢

蝦蟆

蚯蚓

蜻蜓

螻蛄

螟蛉

蟀蟋

伊威

蝸牛

蜘蛛

斑蝥

蝎虎

蟻蟮

壁魚

螳螂

祁縣志

卷四

物產

十

蟲斯

蛇師

食貨

酒

有燒黃二品

錫

糖

油

有香麻二品

豆粉

蜜

鹽城趙北左胡帳等村多鹵地不生禾苗貧民掃取其土煎鹽易食通志曰太原諸屬水性土脉多鹹遠望之似水近卽之似積雪人率刮取實水池中於池前埋小甕以濾鹽汁汁成入鍋煎三晝夜鍋得鹽可斗許色微黃所謂天生曰鹵人生曰鹽者是矣明李

敏疏曰太原地瘠不毛者強半人皆瀝土取鹽以供賦稅雖得微未利然艱苦亦已甚矣

硝取鹽之渣滓再加煎煉遂成硝

黃蠟

葦席

皮

羶貨

柳器

麻履

### 鹽法附

河東大鹽池在中條山北麓解州安邑之間說文河東鹽池袤五十一里廣七里周總一百十六里

行河東之引者三省山西河南陝西山西省額引二十

祁縣志

卷四

物產

十一

二萬三千一百六引太原汾州寧武三府屬遼沁保忻代六州屬共四十二州縣額引四萬三千九百八十五道係鹽稅皆領河東之引而不食河東之鹽領引繳引皆係管鹽同知知州

祁縣額行一千五百五十四引額解鹽稅銀六百二十三兩三錢九分四釐餘平銀一十五兩五錢八分五釐共解銀六百三十八兩九錢七分九釐

按祁煎戶小鹽池共五百八十面每池納稅六錢餘則行差丁口攤補以敷解額

祁縣鹽稅銀定額六百三十八兩九錢七分九厘嘉慶  
間已丁池各半分納至道光二十六年丁池因課成  
訟控府斷給鹽稅乃歸丁一半歸池一半各該納銀  
三百一十九兩有奇丁所納銀每石糧一分五厘三  
毫著爲定規城隍廟立有喬峯撰碑可考

古蹟

墳墓

坊表附

詩曰自古古曰在昔昔日先民古往矣而殘文餘畫廢址遺墟極之一名一物尚友之士發思古之幽情猶將三復咨嗟徘徊而不忍去况展其墓而精爽可憑式其閭而坊表斯在乎祁古名區名賢碩德彪炳史冊臨文歌誦雖南海北海睪然神遊生長於斯者凡豪強之占隱風雨之剝蝕牛羊樵採之踐履蹂躪固宜相與整頓而維持之也志古蹟

古耆國舊志祁邑源流考炎帝姓伊耆氏蓋以初國伊

祁縣志

卷四

古蹟

十二

繼國耆也黃帝之子得姓者十四人而祁爲首帝堯生於丹陵徙於祁故亦姓伊耆左國史鑑竹書開山等書僉同伊祈祁本一字今祁北四十里堯城南五里平陶俱稱帝堯始封地相傳縣東六支村有帝行宮

晉舅犯故里在縣北三里周惠王二十三年狐偃從重耳出亡及柏谷卜適齊楚偃曰無卜焉夫齊楚道遠而望大不可以困往道遠難通望大難走困往多悔困且多悔不可以走望若以偃之慮其狄乎夫狄近

晉而不通愚陋而多怨走之易達不通可以竄惡多  
怨可以共憂今若休憂於狄以觀晉國且以監諸侯  
之爲其無不成乃遂之狄

按團柏谷今在縣東南三十里

昭餘祁

見山川

古縣村在縣東南十五里爲古祁氏邑有上下二村

祁城村在縣東南七里晉祁侯李熹所築址存後魏徙  
今治

郃城西南七里左傳晉絕秦書焚我箕郃今爲高城村

祁縣志

卷四

古蹟

十三

址微存

按祁縣離秦邊千里秦兵豈遽能至此然陽邑箕城  
其說已久箕郃庸或接壤

趙襄子城西北八里圖志趙襄子所築

按北魏志祁縣有祁城趙襄子城

禿髮城東北十五里相傳禿髮烏孤築今大賈村

按禿髮儻檀子源賀爲魏太尉或築此

隆舟城東南三十里卽隆州故城圖志五代時劉繼元  
築以拒周河東記宋太平興國四年克嵐州因次隆

州有遺址在今團栢鎮之東

沙城西五里相傳後燕慕容垂築址存舊志八景有沙城斷碑注云舊有遺碑文不可辨羅者於此獲一鴈俄一鴈墮翮據碑哀鳴淚血成石華鴈死碑斷

楊六郎城東南二十五里洛陽村址存

賈令鎮北十五里晉賈辛爲祁大夫相傳民德之故名今鎮北有召憇亭知縣張松建

幘州故址縣東三十里金史貞祐中尚書左丞胥鼎議於縣東團栢鎮置幘州縣屬之尋廢

祁縣志

卷四

古蹟

十四

義井城東南察院巷元義門溫義之井

麓臺銘在麓臺山宋大學士張商英撰

天聖鐘在縣治大門譙樓宋仁宗天聖二年造高四尺圍一丈二尺

墳墓

附

周

大夫祁奚墓在縣南七里榮仁村北周圍四十八步碑

剝落

按太平寰宇記奚墓在聞喜東二十二里

祁午墓在奚墓右周圍三十步並見聞喜縣

漢

隱士周黨墓在小韓村東南周圍一百步零三尺

護羌校尉溫序墓在縣西北修善村建武中死節光武

賜葬洛陽其子夢序言久客思故鄉乃遷葬於此

司徒王允墓在縣西北修善村西長二十五步濶二十

步

梁

大司馬王僧辨墓在縣東南大桑村北長二十四步濶

祁縣志

卷四

古蹟

十五

十六步石人猶存

北齊

晉昌王唐邕墓在大韓村東南北長五丈五尺東西濶

三丈七尺高一丈二尺有碑剝落

按北齊書唐邕字道和太原晉陽人其先自晉昌徙

焉天統中官侍中護軍遷右僕射又遷尚書令封

昌王錄尚書事舊志晉昌訛普昌邕訛邑今更定

應州刺史唐義墓在小韓村東南周圍四十步高一丈

一尺

按唐邕長子君明隋開皇初終應州刺史義當卽君明

太常卿唐鑑墓在大韓村唐邕墓西南周圍一十八步高一丈

按唐邕次子君徹隋順戎二州刺史又按唐書唐儉傳祖邕北齊尚書左僕射父鑒隋戎州刺史鑑當卽君徹

韓彥祖墓在白圭鎮西南高二丈八尺長三十二步濶三十二步

祁縣志

卷四

古蹟

十六

唐

李淳風墓在縣東三十五里白圭鎮驛堂前舊墓在徐溝縣洞渦驛明嘉靖間地塌出小碑云吾是唐朝一地仙五百年前一見天上覆徐州王大尹將子葬在白圭南因移葬白圭之南

通志

范鑾冑墓在縣西六里白圭村沙城南周圍三十八步斷碑僅存

黎國公溫大雅墓在縣東北五里會善村東周圍九十多步高二丈

清河郡公溫大有墓在縣東北三百八十步長二十三  
步四尺北濶九步三尺中濶十步一尺南濶十步二  
尺

處士段大隱墓在東六支村東北段干木之裔東西二  
十二步南北二十步

元

尚書程日新墓在縣東北十里高村東長二十七丈五  
尺濶七丈一尺石柱石人石羊虎各四碑文剝落

明

祁縣志

卷四

古蹟

十七

知縣郭秩墓在縣東三里三及村南

大理寺少卿古鏞墓在縣東北一里

御史楊璉墓在縣南六里下中村西南

知府龐瑄墓在縣東三十里南梁村

憲副閻睿墓在縣東北二里會善村南

知縣閻繩芳墓在睿墓右

勅贈員外郎馬天祿墓在縣東三里三及村北

勅進承德郎戴賓墓在縣東南一十八里元臺溝北

誥贈都水司郎中李鑰墓在縣東三里會善村南

工部郎中李熹墓在縣東三里會善村南

布政戴光啟墓在縣東南四十里地名壽莊

知州李自問墓在縣南二十五里南建安村西

舉人馬雲駟墓在縣東北三十里魯村南

坊表 附

進士坊六爲古鏞楊璉龐瑄閻睿閻繩芳李熹立

蟾宮坊爲舉人袁平立 連桂坊爲舉人楊璉立

繼美坊爲舉人龐瑄立 登雋坊爲舉人閻景立

步蟾坊爲舉人張泰立 觀光坊爲舉人王昂立

祁縣志

卷四

古蹟

十八

扶搖萬里坊爲舉人孔忻立

龍門躍浪坊爲舉人韓文珍立

騰蛟起鳳坊爲舉人閻睿立

飛黃騰踏坊爲舉人武鎬立

攀龍附鳳坊爲舉人王廷美立

鳴鳳坊爲舉人許鴻程立 亞魁坊爲舉人郭儒立

登龍坊爲舉人溫尚武立 登雲坊爲舉人王天爵立

繡衣坊二爲御史高瑢楊璉立

世憲坊爲大理寺左少卿古鏞立

柱史坊爲御史閻睿立

憲副坊爲浙江副史閻睿立

龍勅褒榮坊爲贈經歷許開立

大中丞坊爲都御史孫慎立

鴻臚坊爲序班范璨立

天恩推寵坊爲贈主事馬天祿立

恩綸申錫坊爲贈工部郎中李鑰立

冬官大夫坊爲工部郎中李熹立

青瑣名臣坊爲兵科都給事中戴光啟立

祁縣志

卷四

古蹟

十九

紫薇方伯坊爲河南布政使戴光啟立

西夏干城坊爲陝西按察使戴光啟立

甲第承華坊爲進士戴光啟戴運昌立

綸恩申錫坊爲進階承德郎大名府通判戴賓通奉大

夫河南布政使戴光啟立

明時鷹鳳坊爲戶部員外郎戴運昌立

天章煥寵坊爲雄縣知縣許台儁立

節氣凌霜坊爲節婦武氏立

祠廟 寺觀附

國家敬禮明神凡有大功德於民及能爲民捍大災  
禦大患載在祀典者靡不秩正規制精詳致爲明  
備蓋民爲神之主爲政者成民而致力於神于是  
民和而神降之福則禋祀尚矣

本朝重儒術而二氏不之禁者抑亦神道設教牖民  
孔易之意歟志祠廟而以寺觀附焉

社稷壇在城西一里許壇崇三尺東西二丈五尺南北  
稱之基長二十丈廣一十丈繚以周垣洪武九年建

祁縣志

卷四

祠廟

二十

舊有庫廚齊宿諸房今廢

風雲雷雨山川壇在縣南一里許制如社稷壇洪武九  
年建

先農壇在縣東郊雍正五年建

共地六  
畝六分

邑厲壇在縣北百步許制如社稷壇洪武九年建

民祭壇明初每坊都各爲一所歲時祈報今不盡存麓  
臺坊在倉場前左西關廂在祁公嗣迤東街北三及  
都在村西南會善都在村北王村都在村西北大韓  
都在村北 漫都在村西北祁城都在村北榮仁都

在村西北張庄都在村北大安南都在村北城趙都  
在村東南王喬都在澗村北岡上修善都在村西北  
大義都在村迤西東管都在村西北上段都在村西  
南賈令都在村西北餘俱無考

城隍廟在縣治東元許仲義等建順治八年重修

土地祠在縣治內儀門左知縣張應舉重修

馬王廟在縣治西

八蜡廟在西陽翼村

中嶽廟在縣西北七里宋時建歷代增修元至元中教

祁縣志

卷四

祠廟

二十一

諭李之芳記云相傳昔人載玉主過此有按乘不舉  
之異遂立廟云

文昌宮一在縣城東門外康熙十二年建一在縣西北

七里城趙村康熙四十一年建

按神姓張諱亞子其先越雋人西晉丁未二月三日  
生又按文昌六星在北斗魁前爲天之六府道家謂  
上帝命梓潼神掌文昌府事及人間祿籍

龍王廟有二一在縣東南麓臺山頂有古洞八景中麓  
臺龍洞卽此一在城北門外雍正七年知縣羅著藻

重修

二帝行祠在東六支村祀堯舜二帝元大德明嘉靖間  
胥重葺

成湯廟二一在祁城都元至元中建明嘉靖中徙置舊  
址北三十餘步一在紫紅鎮雙泉山半金大定中建  
元主簿何世祿記明一統志昭餘祁藪側祀成湯歲  
旱土人爆沙聚祠中置瓶其上以禱得水輒應  
唐叔虞祠有二一在縣東北二十里名晉王廟一在縣  
東南二十五里名興安王廟

府志

祁縣志

卷四

祠廟

二十二

利應侯廟祀狐突有二一在西建安村北金大定間建  
邑人溫昉記一在縣東南一里周圍土臺三畝餘

祁大夫祠有二一在郟城村隆慶間重建一在西關知  
縣張松建記載改西郭觀音堂爲祠以祁午羊舌赤  
配後廢爲射團康熙十二年知縣陳祖法復改射團  
爲祠前爲昭餘書院乾隆二十四年知縣馮元邁重  
修

按左傳杜註祁大夫祁奚也食邑於祁因以爲氏祁

縣今屬太原

通志

王司徒祠 在修善村司徒墓西北明嘉靖知縣吳大道建一在西關馬王廟東知縣朱瑄建  
三義廟在西管村

關聖廟在城二一在儒學巷北元延祐七年建弘治嘉靖間重修邑人戴賓記一在北門月城內隆慶四年建其建於各村鎮者不悉記

濟侯廟祀魏南鄉侯王凌俗稱麓臺神禱雨輒應在東南麓臺山頂宋宰相張商英建

溫氏先賢祠在會善村西北縣令吳大道建祀溫序大

祁縣志

卷四

祠廟

二十三

雅彥博大有諸賢胥祁人也

張都督祠舊在西六支村今改建東門外明嘉靖二十一年六月俺答駐帳縣北三日七月屯祁縣叅將張世忠與副總兵段堂游擊張文懿叅將何堂劉維禡合五營兵襲之至六支村段堂軍潰文懿等引避獨世忠力戰困重圍下馬裹創疾鬪首中二矢死百戶張宣張臣亦死因建祠祀之以百戶張宣張臣祔

李公祠二一在縣南門外一在縣北門外今俱圯公諱元陝西同州人萬歷間任詳名宦

萬公祠在縣東門外張都督祠後公諱象新江南宜興人詳名宦

姚公祠在縣北門外李公祠旁今圯公諱黻江南長洲人康熙間任詳職官

寺觀 附

上生寺在縣治南金明昌年建明嘉靖二年改建置僧

會司

石佛寺在城內舉善坊金明昌年建

善音寺在城內舉善坊明宣德年建

祁縣志

卷四

祠廟

二十四

三教寺在縣治北關外明崇禎間建邑人李而洵撰碑記

明覺寺在縣東北三里會善村元延祐三年建

隆興寺在縣南三里郭村成化二十二年建

仁濟寺在縣西五里東冀都金明昌元年建

清真寺在縣西五里東冀都元至元五年建

清淨寺在縣西北五里北谷豐村元延祐三年建

淨信寺在縣東南七里祁城村金明昌元年建

慈智寺在縣東北七里王村明正德六年建

普照寺在縣西北八里城趙都金明昌二年建

福興寺在縣北八里豐澤村元至順年建

法林寺在縣東南十里小韓村元延祐四年建

普寧寺在縣西北十里修善村元大德八年建

惠安寺在縣東北十里西六支村金承安二十年建

教祖寺在縣西南十里榮仁村元至元十八年建

寶勝寺在縣西南十里榮仁村金明昌元年建

集勝寺在縣西十五里西建安村金明昌五年建

勝果寺在縣北十五里東西陽羽二屯中佛像相傳神

祁縣志

卷四

祠廟

二十五

樹雕成

法嚴寺

坐東六支村創於隋開皇年繼修於明正統年及萬歷十八年本朝乾隆九年遠吉募化重建

興梵寺在縣東二十里西管村宋天聖三年建

延壽寺在縣東北二十里張庄村元延祐三年建

仁王寺在縣西北二十里西陽羽村金明昌三年建

悟真寺在縣東北二十五里上真都明嘉靖八年修

洪福寺在縣東南二十五里梁村元大德三年建

清法寺在縣東南二十五里中梁都元延祐五年建

洪濟寺在縣北三十里北左村元延祐四年建

觀音寺在縣東南三十里大安南村元時建

聖覺寺在縣東南三十五里子洪鎮金明昌七年建

妙因寺在縣東北三十五里白圭鎮金明昌元年建

幽仙寺在縣東南六十里下幘山宋宣和二年建諸仙

禪師棲此徒全福受法焉

太清觀在縣治麓臺坊街元至正二年建置道會司

延祥觀在西關廂街北元至元四年建

通元觀在縣東南十五里故縣村今廢

保真觀在縣東二十五里東管村金明昌三年建

祁縣志

卷四

祠廟

二十六

玉真觀在縣東南二十五里澗壑村東明嘉靖二十七年改建

遇真觀在縣東北四十里曉義村元大德三年建

玉清觀在水馬

今失考

福生堂在縣小西街康熙二年建今名七聖廟

藥王廟在太清觀後康熙四十三年知縣朱瑄建

玉皇閣有二一在西關廂西北隅城垣土神銅像乾隆

二十年重修一在來遠鎮北門明正德元年建

真武樓在盤陀鎮北門明弘治八年建

鎮河樓祀釋迦佛在賈令鎮南門明天順間建嘉靖間  
重修閻繩芳記乾隆三十六年復修

亥天閣在賈令鎮北樓明嘉靖間建乾隆三十六年重  
修

文昌廟坐曉義村建自康熙年間年遠傾圮邑人程作  
賢等募化重修復增建魁樓時乾隆三十五年

文昌廟坐張庄村建自康熙六年乾隆四十四年重修  
有邑人李現昇碑記

仁壽庵縣東三十里許有仁壽庵考之碑記庵創於大

祁縣志

卷四

祠廟

二十七

清康熙二年有僧人悟朗念子洪白圭相距三十里  
有奇往來行人苦無棲息之所爰結廬是間施以水  
火以濟行人東觀鎮程大勛程奇璋等襄成善舉前  
後施地六十六畝五分建造庵院事竣悟朗端坐而  
終傳之聖忠復行置地八十六畝五分共計地一百  
五十三畝迨乾隆二十二年僧人遠吉增建茶廳三  
楹冬湯夏水迄今不絕行人永賴焉

封爵

誥贈附

行封建於三代以下已非崇德報功之舊猶襲分茅  
胙土之遺漢晉之時列侯得遣就國如繒賀尚傳三  
世李熹遷于祁城是也厥後多膺封號食租入而已  
誥贈爲

國家申錫無疆之盛典忠藎發於性情不緣褒嘉而始  
勸然推恩先世榮及室家澤深矣而臣人之所以自  
靖自獻者宜何如也志封爵

漢

祁縣志

卷四

封爵

二十八

祁侯繒賀高祖六年六月封邑千四百戶諡曰毅孫它

國除

晉

祁侯李熹泰始初以佐命勲封

北魏

祁縣侯王思政孝武初以預定策功封又晉太原郡公

唐

祁王李祺昭宗第七子乾寧四年封

祁國公王仁皎元宗時廢后父開元初封子守一繇晉

國公襲後被害

祁國公郭曙子儀第四子

祁縣子溫造太和二年封

祁縣男王璠建中時封

五代晉

祁國公符彥卿開運初封

宋

祁王趙仲僕商王元份曾孫

祁王趙謨徽宗子繇鎮國公晉封

祁縣志

卷四

封爵

二十九

祁王趙維理宗子嘉熙二年十一月追封

祁國公趙允升漢王元佐長子皇祐中爵除

祁國公趙承裔魏王廷美孫

祁國公趙宗說漢王元佐孫

祁國公趙宗述鎮王元偓孫

祁國公趙克頽魏王廷美曾孫

祁國公趙克揚魏王廷美曾孫

祁國公趙偲神宗子元祐元年八月封紹聖四年晉永

寧郡王

祁國公趙竑寧宗時立爲皇子封尋晉濟國公

祁國公王溥太平興國初封

祁國公杜衍皇祐初封

祁國公王德用仁宗時封尋晉冀國公

祁國公富弼英宗初封尋晉鄭國公

祁國大長公主仁宗第十一女曹詩尚主

祁國公主寧宗女生六月而薨追封

誥贈  
附

明

祁縣志

卷四 封爵

三十

山東道監察御史高榕之父友勅贈文林郎行在山東

道監察御史母王氏贈孺人武氏封孺人妻金氏封

孺人 宣德十年

大理寺評事古鏞之父居勅封文林郎大理寺右寺右

評事嫡母范氏贈孺人 景泰元年

江西道監察御史楊璉之父英勅贈文林郎江西道監

察御史母賈氏贈孺人妻王氏贈孺人 天順二年

戶部廣西司主事龐瑄之父唐府教授從雲勅封承德

郎戶部廣西司主事母白氏封安人妻武氏封安人

直隸永清縣知縣閻睿之父南直上海縣稅課使威勅  
贈文林郎順天永清縣知縣母呂氏贈孺人妻劉氏  
封孺人 弘治十七年

陝西固原衛經歷許釗之父開勅贈徵仕郎陝西固原  
衛經歷司經歷母王氏贈孺人妻范氏封孺人 正德  
元年

南京北城兵馬司指揮頡俊之父時名勅贈承德郎南  
京北城兵馬指揮司指揮母王氏贈安人妻王氏封  
安人 正德十年

祁縣志

卷四

封爵

三十一

戶部貴州司主事馬雲雷之父河南河內縣主簿天祿  
勅贈承德郎戶部貴州司主事母楊氏贈安人妻許  
氏贈安人呂氏封安人 嘉靖四十年

行人司右司副李熹之父鑰勅贈徵仕郎行人司右司  
副母武氏韓氏俱贈孺人妻王氏贈孺人呂氏封孺  
人 隆慶六年

陝西會寧縣知縣戴光啟之母許氏繼母許氏并贈孺  
人妻程氏封孺人 萬曆三年

刑科左給事中戴光啟之父原任直隸大名府通判賓

勅進階承德郎母贈孺人許氏繼母許氏并加贈安

人妻程氏仍封孺人 萬歷六年

工部都水司郎中李熹之父贈徵仕郎行人司右司副

鑰誥贈奉政大夫工部都水司郎中母贈孺人武氏

韓氏俱加贈宜人妻王氏加贈宜人繼室呂氏加封

宜人 萬歷六年

兵科都給事中戴光啟勅授文林郎妻累封孺人程氏

仍封孺人 萬歷七年

南京工部都水司主事頡鵬之父生員光耀勅封承德

祁縣志

卷四

封爵

三十二

郎南京工部都水司主事母范氏封安人妻趙氏封

安人 天啟四年

南京工部都水司郎中頡鵬之父封承德郎光耀誥封

奉政大夫母范氏封宜人妻趙氏封宜人 六年

湖廣潛江縣知縣李自問之父工部都水司郎中熹誥

贈奉政大夫前母王氏繼母呂氏俱贈宜人母賈氏

贈孺人妻趙氏羅氏桑氏并贈孺人 崇正元年

直隸雄縣知縣許台儁之父生員嘉賢勅贈文林郎雄

縣知縣母李氏贈孺人妻范氏封孺人 崇正四年

順天良鄉縣知縣戴運昌之父原任河南布政使司右  
布政使光啟誥贈通奉大夫母程氏贈夫人妻郭氏  
封孺人 崇正十五年

國朝

直隸宣化府礮山堡守備郝日暄之父龍翔 勅贈

明威將軍前母楊氏 封恭人生母戴氏 封恭人

解州訓導馬永年之父步雲 勅贈修職佐郎母程

氏 封孺人

山東東昌府經歷羅世錦之父大輅 封修職郎母

祁縣志

卷四

封爵

三十三

霍氏 封孺人世錦弟國錦任江西廣豐縣縣丞

池 封同

廣東嘉應州州同羅維之祖呈錦內閣中書池 封承

德郎祖母郝氏 封安人父光琬庠生 勅贈

承德郎母梁氏 封安人

福建建寧鎮總兵郝壯猷之曾祖升吉 誥贈武顯

大夫曾祖母 王程岳 氏 誥贈夫人祖如璧 誥贈

武顯大夫祖母岳氏 誥贈夫人父國書 誥

贈武顯大夫母程氏 誥贈夫人

福建臺灣都司任蒨之祖士毅 贈昭武大夫祖母

程氏 贈恭人父復光貢生 誥贈昭武大夫

母馬氏 封恭人

福建邵武縣知縣渠輔邦之父名旺 勅贈文林郎

母李氏 贈孺人

山東登寧場鹽大使馬化龍之父名紳 勅封修職

郎母盧氏 勅封孺人

廣東程鄉守禦所掌印千總郝沛之父景鏞 誥贈

武畧將軍母暢氏 誥贈宜人妻袁氏 誥贈

祁縣志

卷四

封爵

三十四

宜人

蒲州守備郝景鏘之父生員墀 誥封宣武將軍母

時氏妻程氏均 封恭人

撫標右營中軍守備郝廷璧之祖生員文煜 贈武

德將軍祖母程氏 贈宜人父豐吉 誥封武

德將軍母暢氏劉氏 誥封宜人

沁州城守營千總王化成之父尙義 勅封武畧騎

尉母劉氏 勅封安人

衛守備銜郝克勤之祖如玥 贈武德騎尉祖母閻

氏 贈宜人父志本 誥贈武德騎尉母李氏

誥贈宜人

戶部福建司主事加一級郝紹湯之祖昌義 贈奉

直大夫祖母梁氏 贈宜人父如瑄 誥封奉

直大夫母喬氏 誥贈宜人繼母程氏 誥封

宜人

候選衛千總高克陞之父太學生志愨 勅封武畧

騎尉母馮氏劉氏 勅封安人

候選衛千總張中侯之祖學騫 贈武畧騎尉祖母

祁縣志

卷四

封爵

三十五

郝氏 贈安人父克儉 勅封武畧騎尉母韓

氏孟氏 勅封安人

候選同知張五瑞之祖克勤 贈奉政大夫祖母盧

氏 贈宜人父中鵠 誥贈奉政大夫母盧氏

誥封宜人

五寨縣訓導李青綺父登鰲 封修職郎母何氏 贈

封孺人妻何氏閻氏 勅封孺人

臨晉縣教諭李青陽父例貢生乘鰲 贈修職郎母

馬氏 封孺人

花翎刑部郎中加五級何茂先之祖五品銜大同縣教諭增盛父鹽運使運同銜用之叔父布政使經歷銜自彊均 誥封通奉大夫祖母例封宜人羅氏母例封恭人張氏叔母例封安人梁氏趙氏均 誥封夫人胞兄監先道銜 誥封中憲大夫嫂閻氏 誥封恭人

候選郎中徵舉悌弟加五級喬致庸之曾祖壯威祖貴發父全美均 誥贈通奉大夫曾祖母王氏祖母程氏李氏母米氏呂氏趙氏均 誥贈夫人胞兄

祁縣志

卷四

封爵

三十六

員外郎銜致廣馳 贈通奉大夫嫂董氏馳 贈夫人妻馬氏 誥贈夫人

戶部候補員外郎陝西司兼福建司行走加四級陵差加一級喬峯之祖歲貢生全義 誥贈中議大夫祖母高氏 誥贈淑人父例貢生致中 誥贈中憲大夫母呂氏孟氏朱氏均 贈恭人胞兄千總銜崑馳 贈中憲大夫嫂閻氏馳 贈恭人妻劉氏 渠氏范氏均 贈恭人

刑部河南司主事加四級閻錫齡之祖九品有倫馳

贈中憲大夫祖母李氏 贈恭人父丕承 誥

贈中憲大夫母節孝戴氏 誥贈恭人伯父貢生

丕仁 贈中憲大夫伯母呂氏 封恭人三叔

父貢生丕積 封中憲大夫三叔母崔氏 贈

恭人四叔父生員衡湘 封中憲大夫四叔母賀

氏 封恭人妻父貢生馬遇隆以壻前七品小京

官加四級 贈奉政大夫妻母節孝馬氏 封

宜人妻馬氏 誥封恭人

候選直隸州州判加四級張五雲之父中選 誥封

祁縣志

卷四

封爵

三十七

奉直大夫母閻氏 誥贈宜人

澤州府教授段樹人之祖錦麟 贈文林郎父壽陽

縣教諭舉人濤 勅贈文林郎

兵部差官和慶仁之父汝瑾 勅贈武畧騎尉母郝

氏成氏 勅贈安人

浮山縣教諭李芬之父岐鳳光緒初元恭逢 覃恩

贈修職郎母劉氏杜氏程氏張氏 贈孺人

守禦所千總銜李翰輝之父武生棻 誥贈武德佐

騎尉母頡氏高氏 誥贈宜人

兵部差官候選衛守備加三級袁永泰之祖父監生俊

發 賲 封宣武都尉祖母賈氏 賲 封恭人父建功

誥封宣武都尉母岳氏郭氏均 封恭人

守禦所千總袁永和之父建基 誥封武德佐騎尉

母高氏李氏均 封宜人

山陰路營中軍千總袁錫爵之兄錫九 賲 武畧騎

尉嫂馬氏孟氏 賲 安人

候選都司岳萬清之父巒 誥贈昭武都尉母温氏

李氏 誥封恭人

祁縣志

卷四

封爵

三十八

教諭銜聞喜縣訓導岳鳳池之父廩生琮 賲 封修職

郎母劉氏 賲 封孺人叔父連 賲 封修職郎叔母

戴氏 賲 封孺人

洪洞縣教諭武克岐之父裕理 賲 贈修職郎母節孝

戴氏 賲 贈孺人

欽加同知銜直隸新城縣知縣加五級喬超五之父致

遠 誥贈奉政大夫母王氏 誥贈宜人妻麻

氏張氏均 封宜人

候選布政使經歷岳嵐之父培芬 勅贈儒林郎母

鄭氏

勅贈安人妻盧氏

勅封安人

候選布政使理問加四級段奎之祖父澧

誥贈朝

議大夫祖母袁氏謝氏

誥贈恭人父營千總樹

威

誥贈朝議大夫母郝氏羅氏梁氏

誥贈

恭人兄忻馳

贈朝議大夫嫂董氏馳

封恭人

祁縣志

卷四

封爵

三十九